

**Stüdafüch de Badia: Control di destodadus:** en sabeda ai 24.10.2015 8:30 - 12:00, sarâl la poscibilitê de condüje te magazin di Stüdafüch de Badia i destodadus (polver, scaia o CO<sup>2</sup>) por le control scrit dant dala lege. I stüdafüch y na dita spezialisada piará do i destodadus, che an ciafará indô do ca. 1 ora. Chêsc ne n'ê nia ma n sorvisc di stüdafüch ala comunitê mo ince n intervënt de prevenziun cuntra le medefüch.

**De dles biblioteches 2015:** la biblioteca Sas dla Crusc inviêia en vëndres, ai 23.10.2015 dales 20:00 te biblioteca a Badia. Amisc dla letôra s'incunta: i s'la cuntun di libri che i un lit. en sabeda, ai 24.10.2015 dales 15:00 te biblioteca a La Ila: I musiconc de Brema. Silvia Costabiei, auturia dl liber da mituns, le prejentará y al gnará ince cunté la storia y pastelné.

**Iniziativa "Viva":** en domënia ai 18.10.2015 inviêia la Crusc Blanca a tó pert al'iniziativa VIVA, l'de dla reanimaziun. A La Ila dales 09:30 - 12:00 sôn plaza de dljia (da bur tēmp te colonia) gnarál mostré co podèi daidé salvé na vita tl caje de architada dl cör y dla zircolaziun.

**Gran batadú tl Museum Ladin Ciastel de Tor** en domënia, ai 25.10.2015 dales 14:00. Dales 13.30 él tl museum les iscriziuns y l'estraziun di grups. Les iscriziuns pón fá danfora al nr. 339/7685970 (domisdé). An pó ince vijité la mostra "1914 - 1918 Al de là da vigni confin. I Ladins conta sua storia".

Le medemo de vëgnel pité al **Museum Ladin Ursus ladinicus** a S. Ciascian n domisdé por mituns cun ativitês da pastelné y vijites al museum dales 14.15 - 15.45; 16.15 (debann).


**Publicaziun y mostra de fotografies:** l'istitut Micurá de Rù a S.Martin inviêia en vëndres, ai 23.10.2015 ala presentaziun dla publicaziun "Stories de vita" y ala daurida dla mostra de fotografies che restará daverta cina ai 30.10.2015 dal lünesc al vëndres.

**Tu puoi aprire la porta alla fede,**

**Tu puoi proclamare la fede,**

**Tu puoi testimoniare la fede**


**E tuo fratello incontrerà Cristo.**



Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 47

Edema: 18.10.- 25.10.2015



EDEMA DLA FEDE

*La Fede m'á daidé !?!*

**Vangele dla Domënia che vëgn - XXX° ann „B“**

(Mc 10,46-52)

En chël tēmp canche Gejú â lascé lerico cun sü discepui y cun na gran meja de jënt, êl n petler verc senté sôn ur de strada, Bartiméus, le fi de Timéus. Pomanch'al â aldí, ch'al ê dailó Gejú da Názaret, ál metü man da scraié dadalt: Fi de Davide, Gejú, mēnete picé de me! Tröc le bruntorâ ch'al dô scuté. Mo al scraia ciamó plü dassënn: Fi de Davide, mēnete picé de me!

Gejú é sté chit y á dit: Cherdédele ca! Ai á cherdé le verc y ti á dit: Ais coraje, lê sô, al te chërda. Dailó ál sciuré demez so mantel, é salté sô y ti é jü pomez a Gejú. Gejú l'á damané: Ci dessi pa fá por te? Le verc á respognü: Rabuni, ch'i pois indô odèi. Dailó ti á Gejú dit: Vá! Tüa fede t'á salvé. Te chël momënt ál indô odü, y al ti é jü do a Gejú sôn so tru.



## FUNZIUNS SACRES

- 18.10. **XXIX. DOMËNIA dl ANN / B** - De dles Misciuns  
**"Festa di iubilars de matrimone" – scomëncia l'Edema dla Fede**  
10.00 Mëssa dla Comunità - por aumënt dla fede  
15.00 Ora de adoraziun  
18.00 †ta Carmela Thaler - aniversar  
†to Franz Frenademetz da Oies - aniversar  
por les families dl "Faná"  
• oferta por les misciuns •
- 20.10. Mertesc - S.Wendelin  
**07.30** †ti Clara y Pire Pescoller - aniversar  
†to Friedl Valentin  
†to Carlo Devall  
**20:00** **Sëra cun nosc Vësko te Ciasa Runcher**
- 21.10. Mercui - *Mëssa cun i scolars dla elementara*  
07.30 †to Giancarlo Bertuolo - aniversar  
†ti Giovanni y Albina Pizzinini - aniversar  
por fam. Carlo y Irma Tasser en onur a S.Maria
- 22.10. Jöbia - degüna S.Mëssa
- 23.10. Vëndres  
07.30 †ti Sabina Campey y siur Heinrich Videsott  
por fam. Iaco y Helga Granruaz en rengraziamënt  
por i soferënc
- 24.10. Sabeda - S.Antone M.Claret  
16.00 S.Mëssa a Oies
- 25.10. **XXX. DOMËNIA dl ANN / B**  
10.00 Mëssa por la Comunità • Ora da d'invern •  
15.00 Festa da Bato  
**17.30** **Prozesciun dles Ciandëres da S.Linert a Oies**  
**18.00** **a Oies: Mëssa cun dütes les Cüres**  
†to Giovanni Dapunt - aniversar  
†to Rudolf Bergmeister  
por fam. Paolo y Rita Crepaz

## Dala VITA dla CÜRA

### Gran invit al'Edema dla Fede ( 18 – 25 otober )

Sëgn éla chiló l'Edema dla Fede y nos inviun düc, düc a tó pert, cis ala **"Sëra cun nosc Vësko"** en mertesc, ai 20.10. dales 20:00 te Ciasa Runcher y ala **Mëssa de concluiun sö Oies en domënia**, ai 25.10. dales **18:00** ( piun ia en prozesciun cun les ciandëres da Badia dales 17:30). Por tó pert ince ales atres incuntades vëgnel dé ocajiun da jí cun l'auto-taxi; mo präibel se prenoté adora assá pro Rosmarie Irsara (tel. **3384864740**).  
Sperun y periun do le Spiriti dal Alt.

*Siur Degan*

Recordun che, por via di terminns dles incuntades dl'Edema dla Fede, sarál en **mertesc**, ai 20.10.2015 la mëssa bele **daduman** y en **jöbia**, ai 22.10.2015 ne sarál **degüna mëssa**.

### Lita dl Consëi dla Uniun dles Èles y di Èi

Dede jö präibel les zetules dla lita ties lades metüdes fora te dljia: en domënia ai 18 de otober por les **èles** dala jöbia 22 cina la domënia 25 de otober por i **èi**.

**Curs de formaziun sura la fede "La löm dla vita"** cun Padre Giuseppe te colonia a La Ila. L'incuntada é le vëndres ai 23.10.2015 dales 14:00 ales 18:00 cun Santa Mëssa y vá inant la sabeda dales 9:00 ales 12:00 y dales 14:00 ales 17:00. Infos y iscriziuns pro Ingrid al tel. 331/8565697.

**Racoiüda de quant por la Caritas:** sön plaza dl impiant Piz La Ila gnarál ince chësc ann ciarié l'quant dla Caritas. I paisc da Calfosch, Corvara, La Ila, San Ciascian y Badia é peria da porté dailó i sac dla Caritas che pó gni dá jö dal **vëndres, 6 novëmber dales 16:00 inant cina les 10:00 dla sabeda 7 de novëmber**. Sce al vëgn adoré sac fosé, präibel **nia i fá plëgns**. Präibel tignisse al orar che é scrit dant.



*Signur, confermëia ai iubilars süa  
impormetüda d'amur un por l'ater*